

IUVENIBVS POLITISSMIS

I. G. GVPNERO

C. C. VLRICO

I. A. C. RITTERO

I. C. G. GOLDSCHADIO

CLASSIS PRIMAE NVPER ADMODVM ALVMNIS

S. P. D.

Galamum sumere, ac litteras ad Vos in praesens scribere, mihi est animus, minime aculeatas, quae mentes turbare solent et perturbare teneras, sed eas, ex quibus potissimum apparet, atque exstat, quanto candore, quantaque fide, ac quot quantisque gratulandi formulis Vestrum quisque ex nostra classe a me sit dimissus. Vbi uero inter dicendum uale *Quatuor-Virorum, Aristippi, Ciceronis, Plinii et Abbatis Bernhardi*, a Vobis, destinato haud dubie consilio, mentio est facta, singularia ob argumenta praeter alia ex illis, quae lucubrarunt, operibus ad elaborandas uestras orationes hausta: caput artis esse, putavi, nonnulla prius de his ipsis praestruere, quam ad gratulationem amicam et optima, quibus Vos persequor, omina, qualia me Vobis debere, arbitror, accedam.

Aristippus est unus, cuius uerba de *bene sperando* una cum ratione grauiori sat eleganter in medium sunt allata, et accommodata peropportune: 1) Est autem sciendum, antiquioribus temporibus plures hoc eiusdem fuisse nominis, ex quibus eos, non multis memorabo, quorum alterum *Historiam de Arcadia* scripsisse, posteriorem *Philosophum ex noua floruisse Academia*, a *Diogene Laertio*

1) Perorauerat VLRICVS meus de *bene sperando* ad huius Aristippi uerba:
Bene speremus; hominum uestigia uideo.